

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Go Cultura Foundation a presenta documentario basa den “Storianan desconoci di himno y bandera di Aruba”



Diasabra anochi, dilanti un publico exclusivo Go Cultura Foundation a presenta oficialmente un documentario basa den varios aña di investigacion pa loke ta trata storianan desconoci di himno y bandera di Aruba.

Edjean Semeleer ken ta fundador y embahador di Go Cultura Foundation a splica cu na comienso, e idea tabata pa duna di conoce e documentario na luna di maart especificamente prome cu e fecha di 18 di maart, pero debi na un blackout cu a tuma luga den e dianan ey, parti di e filenan a haya problemanan y nan mester a edita di nobo. Mientras tanto, den e tempo ey a descubri mas cos, nan a logra haya mas grabacionnan specialmente di e anochi di 18 di maart 1976 “imagennan cu boso ni un a yega di wak ainda ya cu no ta na Aruba nos a haya nan pero ora boso wak e documentario aki, mi ta kere cu pa hopi di boso lo hiba back den tempo, si acaso boso a experiencia 18 di maart 1976 sea riba escenario e anochi ey of kisas den publico,” el a sigura. Di e anochi ey el a splica cu hopi hende a haya un banderín y a wak e bandera original na laira, sinembargo, 13 aña pasa, ora Semeleer y conhuntamente cu Arthur Loefstok director di e fundacion a cuminsa investiga e origen di e bandera di Aruba, el a bisa cu e tabata den un exposicion mirando potretnan di Fundacion Betico Croes den e casa di difunto Betico y el a wak potret di un Sra cu a bin for di Merca cu su famia y Harry Croes para band’i dje “mi a mira mas caranan conoci y ma pensa, kisas banda di e discusion politico, hopi emotivo y hopi emocional di e bandera, nos lo por mira e creacion di un bandera for di angulo di un persona cu no ta un politico, no ta local, cu tabata bezig cu

e proceso artistico y creativo di creacion di bandera,” el a bisa. Den mesun potretnan cu Semeler tabata wak, el a mira Sarah Bollinger, e diseñador di bandera di Aruba hunto cu su yiu homber, na e momento ey el a pensa di tuma contacto cu nan pa wak si kisas nan por a papia cu Bollinger, pero lamentablemente Bollinger a fayece. For di e momento ey, e yiu homber di Bollinger ta bin compartiendo informacion cu Semeleer y Loefstok cu sigur cu hendenan di Aruba no ta conoce “den e documentario boso ta bay wak hopi di e perspectiva di Sarah Bollinger, kisas varios di boso no a tende di e number aki, sinembargo, e ta bay yuda boso perspectiva di compronde tambe dicon tin asina tanto polemica rond di



e bandera di Aruba y basicamente, mi conclusion ta hopi simpel y facil, pero e discusion aki ta bay keda pa hopi tempo mas, nos no a haci e documentario aki pa crea mas polemica ni pa cambia historia, nos a purba di revisa tur hecho posibel,” Semeleer a comenta. E bandera su proposito principal tabata inspiracion y union cual a logra sigur, sinembargo, despues di casi cinco decada, ainda e ta topico di discusion y de bes en cuando te hasta di division, “nos tur por a mira un variacion grandi di varios color di nos bandera, varios grandura y te hasta diseñonan diferente, e comercialisacion acelera, descabeya y descontrola di e bandera di Aruba a percura cu continuamente banderanan cu estilonan nobo a keda wordo aña di na Aruba su coleccion di bandera,” un parti di e documentario ta señala. Despues di hopi aña di pregunta, discusion y dialogo, Go Cultura Foundation a dicidi explora angulonnan cu no a

wordo explora prome no necesariamente pa caba cu e discusion continuo di e bandera y vooral su color, pero pa purba descubri storianan desconoci di e simbolo nacional. “Aruba su anhelo di autonomia a cuminsa den decada 40 di siglo 20 pero e tabata te cu decada siglo pasa cu e isla tabatin curashí pa soña cu un emblema completo y tangibel pero tambe pa determina su propio destino. Bao liderazgo di Betico Croes, Aruba a realisa importancia di simbolonan nacional pa por yega mas cerca di un Aruba liber y soberano.” Na aña 1976 gobierno insular e tempo ey, a institui un comision pa yuda Aruba dicidi pa un himno nacional y un otro comision pa tin un bandera nacional, e comision institui 21 di januari especificamente a consisti di Julio Maduro como presidente, Ronald Donk y Walter van Romondt como miembro y Epi Wever como secretario, esaki tabata e grupo cu mester a conseha gobierno pa un bandera insular pa Aruba. Nan tabatin 6 siman pa completa e tarea importante aki, caminda un competencia di bandera a wordo anuncia unda comunidad Arubano a activa nan creatividad y yuda crea e bandera. 693 diseño a wordo presenta, a bira conoci cu na final tabatin mas di 780 diseño cu a sali di e curason di Aruba su habitantenan. Di tur e propuestanan, a selecciona 3 diseño caminda Sarah Bollinger asesora pa Whitney Smith, un experto den diseño di bandera, a traha un diseño nobo pa Aruba. Pero e historia di Aruba su bandera ta bay mas leu cu un diseño di un Sra. Mericano, den e documentario hopi interesante aki lo por descubri mas informacion. Riba e pregunta ki dia e documentario lo ta accesibel pa publico en general, e informacion aki te ainda no ta conoci. Go Cultura Foundation lo duna mas detaye proximamente.

